

東鹿五志合集

冀州胡三永題

蘇題



光緒束鹿鄉土志卷一

軍機處存記束鹿知縣張鳳臺督修鄉土志工竣分呈各憲原稟

敬稟者竊^{卑職}卷查光緒三十一年六月二十三日奉

各憲札開光緒三十一年四月二十八日准

京都編書局監督咨開查初等小學堂章程歷史輿圖格致三科均就鄉土編撰謹採用意至爲精善并編成例目發交各府廳州縣擇士紳博學能文者按例攷查依目采錄自奉文日始限一年成書由各地方官逕將清冊郵寄京師編書局一面錄副詳報本省督撫以免轉折遲延等因奉此除移行外合行札飭札到即便查照集紳商辦計粘抄單并發例目四本各等因蒙此遵卽與勸學所焦總董煥桐公務局紳董王茂材丹桂高茂材殿桂妥速商辦據稱邑乘自李縣尊符清續修後迄今百餘年矣中間河道之變遷兵戎之擾攘烈婦義勇之勁節名儒循吏之徽光滄桑遞嬗書缺有間街談巷議言人人殊若但憑舊志之遺文與流俗人之傳說終不足以垂實錄而餉後生計惟有選三五讀書能

文之士攷古證今身經目覩庶足以資徵信而祛舛訛

卑職

察紳等所言不爲無見迺於

公務局後院打掃閒軒延集一時文人學士適館授餐左圖右史共硯切磨除搜採本邑
暨各鄰封志乘外其餘如世家望族之藏書逸士鄉賢之雜著靡不旁搜博採纂要鉤元
故即顏其額曰編輯精廬俾顧名思義毋遺毋濫

卑職

公餘之暇嘗親詣其軒與該紳等

討論體裁諄諄以博而能雅簡而能賅相規勉其膺斯選者時則有若王君際雲任君聯
珠楊君鳳岐林君朝鳳李君遂司採訪也簪筆負囊分赴鄉村如輜軒採風故事某山某
水某某木某古蹟某鄉俗凡例應採輯者必得之於心而後筆之於書時則有李孝廉
中桂馬孝廉際瀛尙茂材槐晉魏茂材錫綸李茂材允恭耿茂材觀光司編輯也就採訪
諸君所劄記點竄塗改參以經史之文證以古今之異分門別類各盡所長列表繪圖務
求其精自去年九月開辦四越月告竣適庶吉士李公槩年假旋里復請其詳加釐訂以
綜其成然後遣善書者分行鈔錄集成卷帙

卑職

才淺學疏忝膺繁劇加以新政疊稠益

形荒殖幸賴此邦士大夫文明素著才擅操觚依例編撰逐漸成書

卑職

展開數過尙與

體例相符用特敘列銜名以表諸君子編輯之苦衷應如何刪潤之處伏乞

憲裁所有_卑縣鄉土志編輯工竣緣由理合繕呈

鑒核再此志業經遵錄清本郵寄京師

編書局合併聲明肅此敬請

勛安伏乞

垂鑒

右

稟

督藩學各憲暨編書局

光緒束鹿鄉土志卷一

編輯鄉土志紳士姓名

總校

翰林院庶吉士李渠

襄訂

內閣中書銜舉人焦煥桐

五品頂戴廩生王丹桂

五品頂戴廩生高殿桂

編纂

舉人李中桂

舉人馬際瀛

廩生尙槐音

附 附 附 附 附 附 附 附 附 附

探訪

生 生 生 生 生 生 生 生 生 生

李	林	楊	任	王	耿	李	魏
	朝	鳳	聯	際	觀	允	錫
遂	鳳	岐	珠	雲	光	恭	綸

光緒束鹿鄉土志卷一

弁言

誌者記也從言從志呂覽注謂志記之言也馬遷曰書蔡邕曰意華嶠曰典張勃曰錄何法盛曰說名稱雖異體例不殊兩漢諸志史家濫觴後代多宗之外此若漁仲通志元和郡縣志元豐九域志率皆翔腐博洽非幼學所宜而各府州縣志又或煩瑣不盡適於用自泰西哥米紐斯氏創議以鄉土誌爲急務羅梭氏賡續行之喀羅列特爾益發揮其義而盛於克勒拉烏列谷模潘勒諸人皆按學齡分年教授意至善也然汶貉淮橘遷地弗良棄劣從優天擇有例茲略師其意而體裁稍變分爲鄉土歷史鄉土地理兩門餘皆類附於中俾生斯土者卽耳目熟習之事以動其感情而漸增後此之學識其亦登高自卑行遠自邇之一助也乎

光緒東鹿鄉土志第一

歷史

歷代建置沿革攷

東鹿在唐虞三代爲冀州大陸之域杜佑以邢趙深三州地當之元和志謂大陸澤在鹿城南陸鹿古通用後代更明所由昉但圖志無徵未能詳析其分域亦一疏也春秋時不見傳記惟昭二十二年晉荀吳略東陽馬季長謂晉地自朝歌北至中山爲東陽而史記趙武靈王略中山地至甯葭甯葭今深州境在舊縣城東中山即春秋鮮虞地晉滅鮮虞有其地故畿輔通志謂屬於晉至魏獻子田於大陸酈道元以爲即吳澤引魏土地記地在修武城西異所同名不可據爲今地戰國時則分於趙據國策蘇秦云趙地西有常山南有河漳東有清河北有燕國蘇厲亦云趙國前漳滏右常山左河間北代國然漢書平帝紀罷安定呼池池即苑師古注云屬中山而趙策亦云趙攻中山以擅呼沱循斯言之是戰國時初屬中山後屬於趙秦變封建爲郡縣至漢置安定貫鄠三縣又置樂信侯國

皆屬鉅鹿郡置西梁侯國屬信都國平帝時罷安定爲安民縣當時建縣名稱實繁其地皆屬出於境內而其故城則散見於水經注唐通典寰宇記等書後漢省樂信西梁改鄆作鄆省安定贊縣入之道元注斯浹水東經育城北又東積爲陂謂之陽廩淵育城卽贊城之譌鄆即鄆或作鄆或誤作鄆水經注引竹書秦封衛鞅於鄆以實之趙氏一清曾辨其謬知師古注漢地志謂王莽改鄆爲秦聚亦其誤也三國史無地志其立郡雖間見於帝紀而置縣不詳洪氏亮吉采漢晉二書補輯之約與晉志無異晉以鄆縣屬趙國後魏曰鄆鄆即鄆屬鉅鹿郡魏書地形篇云鄆有黃邱方輿紀要謂卽冉閔遣將禦後趙石琨處也北齊改曰安國隋開皇六年改爲安定十六年又置晏城十八年改安定爲鹿城大業初晏城廢入而鹿城愈著隋地志屬信都郡注云舊曰郡後齊改爲安國是鹿城卽安國而即鄆也唐初置鉅鹿郡武德時改爲廉州鹿城隸焉貞觀初廢廉州以鹿城隸深州十七年州廢屬冀州先天時割鹿城屬深州又析饒陽鹿城置陸澤縣並隸深州攷舊唐地志東鹿隸深州注云漢安定侯國唐至德六年改爲東鹿新唐地志深州饒陽郡領東

鹿縣注云本鹿城天寶十五載更名寰字記謂至德元年改爲束鹿屬鎮州說雖兩歧而束鹿之名要自唐始五代時周韓通城束鹿見歐公新史輿地廣記云屬眞定國宋初改隸鎮州淳化時改屬眞定隸深州見於元豐九域志金史河北東路上刺史宋饒陽防禦國初爲刺郡統縣五二曰束鹿元至元初立附郭蒲陰縣及以束鹿深澤來屬蒲陰卽祁州名始於宋金於縣置祁州元仍宋舊名至元十二年改順天路爲保定路領祁易等七州是束鹿隸祁州屬保定自元始也明時仍元之舊天啟二年舊城因漳沱溢沒移治圈頭市卽今新城我朝開國之初沿明舊制雍正十二年始不隸祁州統於保定府蓋自前漢言之曰安定曰鄴曰貫曰樂信曰西梁曰安民至後漢則省併於鄴晉魏因之北齊與隋易其名而仍因其地唐號束鹿以後至今不改惟隸屬不一迨雍正時屬保正賡續不易此建置沿革之略也

歷代建置沿革表

唐虞三代及春秋戰國其時郡縣未分未敢殊殊於一家言強析疆域自置郡縣後名稱甚夥一代間時有改隸謹就漢迄今記傳可徵者列爲表惟三國史無地志可考不與焉

兩漢	晉	南北朝	隋	唐	五代	宋	金	元	明	清
鄆縣 前漢屬鉅鹿 郡後漢曰鄆 范氏郡國志 鉅鹿郡有鄆 光武帝紀擊 銅馬於鄆注 屬鉅鹿郡故 城在冀州鹿 城縣東方輿 紀要鄆作鄆 故城在今縣 城東北漢書 外戚恩澤表 孝文封駟鈞	鄆縣 屬趙國 案馬氏 通考晉 趙國領 縣九八 曰鄆永 和七年 後趙石 琨自信 都救石 祇於襄 國冉閔 遣將孫 威禦琨	鄆縣 後魏屬 鉅鹿郡 鄆即鄆 魏書地 形志鄆 有黃邱 雍正通 志云在 東鹿縣 安國縣 北齊移 於鄆改 爲安國	鹿城縣 隋書地 志信都 郡有鹿 城注云 舊曰郡 後齊改 爲安國 隋開皇 六年又 改爲安 定十六 年又置 晏城十 八年改	東鹿縣 唐初置 鉅鹿郡 武德元 年改爲 廉州陷 於寶建 德四年 復置廉 州領縣 四鹿城 與焉貞 觀元年 廢廉州 以鹿城	全上 歐陽修 五代史 周顯德 二年韓 通城東 鹿輿地 廣配云 五代時 屬真定 四鹿城 與焉貞 觀元年 廢廉州 以鹿城	全上 宋史地 志東鹿 初改隸 鎮州淳 化九年 改屬真 定府隸 深州袁 宇記東 鹿縣屬 鹿	全上 金史地 志河北 東路深 州上刺 史宋饒 陽郡防 禦國初 爲刺郡 統縣五 二曰東 鹿	全上 至元三 年立附 郭蒲陰 縣及以 東鹿深 澤來屬 案元史 地志祁 州唐爲 義豐縣 宋改爲 蒲陰金 於縣置 祁州屬	全上 明史地 志東鹿 縣隸祁 州屬保 定府案 大明一 統志洪 武元年 改保定 路爲府 隸北平 雍正通 志永樂 初建北	全上 國初仍 明之舊 雍正十 二年不 隸祁州 始統於 保定府

鄆侯鄆史表
作清源文帝
紀作清郭索
隱曰案駟鈞
封侯不同者
蓋後徙於鄆
安定縣
前漢屬鉅鹿
郡後漢省入
鄆漢書王子
侯表宣帝時
封燕刺王子
賢安定侯
通志云在今
縣西平帝紀
元始二年罷
安定呼池苑
爲安民縣
貴縣

於黃邱
顧祖禹
謂在今
東鹿縣
地即鄆
前後二
燕并屬
鉅鹿郡

案北齊
以前之
安國今
祁州北
齊以後
之鄆即
安國舊
志安國
縣伯趙
彥深其
封侯在
魏末今
祁州地
通志謂
不宜列
於東鹿

曰鹿城
屬信都
郡大業
初晏城
廢入而
鹿城之
名愈著
案通典
鹿城漢
賞縣城
在西南
元和志
鹿城本
漢安定
縣地隋
開皇三
年於此
置安定
縣取漢

屬深州
十七年
改屬冀
州先天
二年割
鹿城屬
深州又
析饒陽
鹿城置
陸澤縣
并屬深
州舊唐
書地志
東鹿屬
深州注
云漢安
定侯國
故城在
今縣城

軍元和
十五年
避穆宗
諱改曰
鎮州歐
公五代
職方考
梁以諱
改武順
軍後唐
復曰成
德晉曰
順德漢
復曰成
德周因
之

西南鄆
城漢邑
名廢城
在縣東
元豐九
城志深
州饒陽
郡防禦
治靜安
縣淳化
元年以
真定府
東鹿縣
隸州馬
氏通考
靜安領
縣五四
曰東鹿
雍熙四

正定路
至元十
二年改
順天路
爲保定
路領州
七祁州
與焉是
東鹿隸
祁州先
屬正定
路後始
屬保定
路

京於北
平遂爲
直隸保
定府

前漢屬鉅鹿
郡後漢省入
鄴班表建昭
元年封梁敬
王子平贊鄉
侯又功臣表
高祖六年封
齊侯合傳胡
害於贊史表
作齊侯呂案
水經注贊城
漢高帝封呂
博爲侯國趙
釋云史表贊
齊侯呂徐廣
曰呂亦作台
漢表齊侯合
傳胡害是侯
不姓呂注云

舊名屬
定州十
八年改
曰鹿城
取縣東
故鹿城
爲名改
屬冀州
案通鑑
唐桑顯
和擊劉
黑闥於
晏城地
理今釋
謂東鹿
地是晏
城唐時
尚有

西七里
至德六
年改爲
東鹿新
唐書地
志東鹿
屬深州
饒陽郡
注云本
鹿城天
寶十五
載更名
輿地廣
記亦云
天寶十
五載改
曰東鹿
案更名
之年諸

年廢陸
澤至道
初置饒
陽郡防
禦治靜
安靖康
後陷於
金

呂博疑字近合傳

西梁侯國

前漢屬信都

國班表宣帝

封廣川戴王

子闢兵西梁

侯國後漢省

案寰宇記東

鹿縣本漢西

梁縣地屬鉅

鹿郡縣南六

十里有西梁

城尙存郡國

縣道記西梁

故城一名伍

梁城後漢併

扶柳縣通考

云西梁扶柳

說不同

而東鹿

之名要

自唐始

并屬信都

樂信侯國

前漢屬鉅鹿

郡宣帝時封

廣川繆王子

強樂信侯國

後漢省

光緒東鹿鄉土志第二

政績錄

鹿巖之地漢時多封國主斯土者軼事無徵隋唐改縣後邑侯政績又多不傳謹就事實可憑者斷自金始分門選錄以資採擇

韓志金天會二年知縣事時兵燹之後人民凋敝絃誦俱廢公下車拊循周恤窮黎復業者數千戶又留心庠序優禮儒生以勵士氣故遺記稱其有文翁化蜀風

程述藁城人元至正十四年知縣事有清操勤於吏治胥役不敢爲奸興學勸農民愛之如父母去之日囊橐蕭然

高楫字濟川山西保德州人明永樂三年知縣事均徭役平賦稅捕盜賊以靖四方憂文風不振興起學校激揚士氣邑之科名相望人材輩出皆其有以啓之也

閻濟字惠民山西忻州舉人正德九年知縣事嚴毅果斷摘奸發伏人頌神明壇壝廢缺以時整理補城垣葺倉廩捐俸爲之不累閭閻